



02. dec.

Aappassaaneerinninneq

Immikkoortoq 1-imi allassimasutut, immikkoortoq 2-mi piffissami pilersaarut allassimasoq naapertorlugu aammalu immikkoortoq 3-mi aningaasaleeriaasissat allassimasut ataqtigisi-sillugit mittarfinnik pilersarusiornissamut sanaartornissamullu Naalakkersuisut peqqune-qarnissaannik Inatsisartut aalajangiiffigisassaattut siunnersuut.

(Ineqarnermut, Sanaartornermut Attaveqaqtigiinnermullu Naalakkersuisoq, Aningaasaqarnermut Aatsitassanullu Naalakkersuisoq, Inuussutissarsiornermut, Suliffeqarnermut, Niuernermut Nuna-nullu Allanut Naalakkersuisoq)

aammalu

Assartuussinermi ataatsimut akissaajaatit annikillisinnissaat, timmisartuussisarnerup akuli-killinissaa aamma unammilleqatigiinnerup annertusisinnaanera siunertalarugit mittarfinnik sanaartorneq pillugu Inatsisartut inatsisissaattut siunnersummik qinigaaffimmik matumani Naalakkersuisut saqqummiussinissaannik peqquneqarnissaannut Inatsisartut aalajangiiffigi-sassaattut siunnersuut. Tamanna pissaaq mittarfiit, qulimiguullit mittarfiisa akunnisimaar-tarfisalu piusut amerlanerpaamik 19-inut ilaasoqarsinnaasunut mittarfinnut millilernerisigut aamma allilernerisigut.

(Inatsisartunut ilaasortat: Anders Olsen, Siumut, Jens-Erik Kirkegaard, Siumut, Tillie Martinussen, Demokraatit, Ane Hansen, Inuit Ataqatigiit, Kalistat Lund, Inuit Ataqatigiit)

Qanoq iliuuseqarnata. Maannakkutut ingerlaannarutta, taavami?

Qanoq iliuuseqanngikkutta Nunatsinni silarsuarput qanoq isikkoqassava?

Nalunngilarput pisiassat akittaluttuinnartut, aningaasarsiat malinnaanngitsut. Tamatta nalunngilar-put puussiaq ataasiinnarluunniit ulikkaarlugu pisiniaraanni, qanorsuaq akeqartarpa.

Tamassumaannaalluunniit takutippaa nunaqqaterpassuagut qanoq ilungersunartigisumi inissisima-
sut, pisiniarnermi naammattusaareqqinnaarniarsarineq aamma qasunarseqqavoq.

Qanoq iliuuseqarnissaq, annertuumik nunatsinnut siuarsataasussamik avaqqunneqarsinnaanngilaq.

Taamaammat Siumuminngaanniik nuannaarutigaarpot angallannermut ataatsimiitaliaq isumaqati-giittooq inassuteqarmat mittarfinnik sanaartornissaq aqqtissiuunneqassasoq.

Siullermik sinnera oqaatiginnginnerani una ersarissaaffigerusuppara:

Allanguinerit angisut ukiuni kingullerni amerlasuuni nalaattarpangut. Assersuutigilara Nuummi erngup nukissiuummik sanasoqalernera allanguinermik aningaasartuinillu annertuu-mik nassataaqarsimasoq, akerlilersorneqarsimaqisoq, ullumikkut nalunngilarput avataaniit ikum-matissamik eqqussuunikinnerlernermik kinguneqarnerata, nunatsinnut qanoq aningaasatigut sipaa-rutaasimaqisoq, nunatta nammineerluni nukik pilersitaa taarsiullugu atorneqarluni. Ilanngullugu taarusuppara Ilimmarfik Nuummi sananeqalermat aammaarluni qanoq akerlerineqarsimatigisoq. Allanguineq taanna aamma aningaasarpassuarnik akeqarsimavoq. Kisianni ullumikkut takusin-naavarput nunaqavissut ilinniagartunngoortut aallartittullu qanoq amerleriarsimatigisut. Tamassuma uppernasarpaa nunatta qanoq iluaqtigigitigaa. Apeqput una taamaasillunga tikippa: Ilaannikkut

allannuinissaq sapiiserfigisanngikkuttigu, taava qanoq siuariartussuungut? Naalakkersuisuutit-
qartut isumaqatigiissutaanni qulequttaapput ; ataatsimoorneq, toqqisisimaneq ineriarornerlu.
Taakkualu tunaartaralugit Naalakkersuisut sulinerat Siumumiit nuannaarutigatsigu oqaatigissu-
arput.

Allannguinerit allannginiaannarluni pineq ajorput.

Inuaqatigiit maani nunallit siuariartorusupput. Siuariartornissamut akerliunngillat.

Allatuulli suliffissaqarusupput, atorfissaqarusupput, ilinniarfissaqarusupput, praktikkerfissat, qaam-
mammut akiligassanut ernumaneq katakkusuppaat, angerlarsimaffiit ullutsinnut tulluuttut pilersik-
kusuppaat, peqqinnissaqarfik pittaaneq allallu siuariartorerup iluaqtai perusuppaat.

Nunarput sumut qimuttoq nalunngilarput.

Qimuttut suleqatigiilluta nilliasa iju iju.

Tamatta qimoqataalernerussagatta, sanngiinnerusortagut nukittorsanissaannik periarfissittigit.

Ilaqutariippassuit ilungersorlutik inuuneqarput.

Pisuussutigut uumaatsut uumassusillillu tamaasa atorluartigit.

Illersorneqarsinnaasumik ingerlassinnaasut tamaasa.

Qanortoq Inuusa qaammat naappat akiligassat ernumassutaanatik

Qanortoq Ikiorneqartussat nunatta akissaqarfiginerulerligit

Qanortoq Aningaasarsiat akinut malinnaallik

Qanortoq Angerlarsimaffiit ullutsinnut tulluuttut pilersillik.

Qanoq iliuuseqarnissaq avaqqussinnaanngilarput.

Nunatta aningaasaqarnera ukiualunnguit qaangiuppata qunnersuarmut nakkarsimassanngippat,
maannakkuuvoq qanoq iliuuseqarnissaq, maannakkuuvoq allannguinissaq.

Ilaqutariippassuit sakkortuumik atungarliulissangippata, maannakkuuvoq qanoq iliuuseqarnissaq.

Ilaqutariippassuit maannakkut ilungersunartumiittut atungarissaanerulissappata, maannakkuuvoq
qanoq iliuuseqarnissaq. Kinguarsaaqqinnissamut piffissaarunniukuuvugut.

Mittarfiliorniaannanngilagut, suliffissaniguna pilersittiniartugut.

Mittarfiliorniaannanngilagut, aningaasarsiorfissaniguna pilersitsiniartugut.

Mittarfiliorniaannanngilagut periarfissaniguna pilersitsiniartugut.

Naattorsuutaassaaq sanaartorneriinnaasaluunniit nalaani suliffipassuit pilersinneqassammata.

Naattorsuutigineqassooq sanaartornerani suliat allat pilersissammata, assersuutigalugu hotellit.

Sulisussat pisariaqartinneqassapput, susassaqartut pilersaarusioqatigiittariaqarput praktikkerfissat,
ilinniarfissat nunaqavissunut sapinngisaq tamaat naapertorlugu aqqutissiuunnissaat qulakteerniar-
lugu.

Allannguineq inuaqatigiinni pinngittoorsinnaajunnaaqvarput, allannguineq kikkunnut tamanut
naapertuutumik aaqqissuuneqarnissa Siumumiit sakkortuumik Naalakkersuisunut inassutigaarput.

Kangerlussuup ullumimiit atorneqarnera allaanngussasoq qularnanngilaq. Taamaattoq nuannaaru-
tigaarput Naalakkersuisut , susassaqartut assigiinngitsut peqatigalugit allaanerusumik aaqqissuu-
sinissaq anguniarneqarmat.

Siumumiit nalunngilarput avataaniit aningaasaleeqataarusuttut suleqataarusuttullu piareersimasut
oqaloqatiginninnissamut.

Tamanna nunarsuarmi aningaasaliiniarernut sakkortuumik unammillerfiusumiilluta, nuannaarutisaavoq, piuneranilu atorluagassaalluni.

Nunarput suliffissanik nutaanik, aningaasarsiorfissanillu nutaanik pisariaqartitsivoq.

Taamaammat Siumumiit sakkortuumik naalakkersuisunut kaammattutigaarpuit avataaniit suleqa-
taanissamut aningaasaliinissamullu soqutiginnittut oqaloqatigineqassasut.

Kikkunnulu tamanut naapertuuttumik isumaqatigiissuteqarnissaq ujartoqquarput piaartumik.

Siumumiit naqissusissuarput immikkoortoq 18-mut piffissamik pilersaarasiaq Naalakkersuisut
saqqumiunniusaat malinneqassamat.

Ukiualunnguit qaangiuppata nunatta aningaasaqarnera ajorseriartussaavoq, tamanna pisussaaffiliiv-
voq sukkasuumik sulinissamik, suleqatigiinnissamik, avataaneersunik kisianni aamma akornitsinni.
Inuaat maani ikittunnguuvugut, qimoqatigiitta ornitamut.

Nilliasa sapiissuseqarluta iju-iju.

Qujanaq

Jens-Erik Kirkegaard

Siumut.